

تورک یوردی

ناشری : تورک یوردی .

مدیری : آق چورہ اوغلی یوسف .

۱۷ مایس ۱۳۲۸

یل ۱

صافی ۱۴

کتاب

۱۴

①

تاریخ و آثار عقیقه

جمعیت تورانیه

و

آسیا تاریخنده تورانیلر

پشته دن آلدیغمز بر مکتوبده دنیلیورک :

« بوندن ایکی سنه اقدم پشته ده « جمعیت تورانیه » نامیله بر جمعیت تأسس ایتشدور .
 بو جمعیتک مقصدی آوروپا و آسیا قلمه لرنده بولنان اقوام تورانیه نك فنون و صنایعده
 و علوم اقتصادی و اجتماعی ده ترقیلرینه معاونت ایتک و بحار قومی ایله اقوام تورانیه
 آره سندک مناسبات عرقیه ولسانییه یی تقویه ایله مکدر . بو جمعیت بحارستان زادگانندن ،
 بحرریندن و علوم شرقیه و واقف ذواتدن مرکدر . بحارستان حکومتی جمعیه سنوی
 دوت بیک قورون تخصیص ایتشدورک جمعیتک خدمتی نسبتده تخصیصات تراید ایده جکدر .
 جمعیتک برنجی شرطی مسائل دینه و سیاسییه ایله اشتغال ایتامکدر . بشون مساعیسی
 مناسبات عرقیه ، علوم و فنونه و امور تجارییه مصروف اوله جقدر . علمی جمعیتلرک
 و اقوام تورانیه احواله واقف ذواتک معاونت لرینه مراجعت ایده رک اقوام مذکورده نك
 تاریخ و ادبیاتی و صنایعده ترقیاتی واقامت ایلکده اولدقلری ممالکک جغرافیا و علم الساب
 و تاریخ طبیعی حقنده تدقیقات عمیقده بولنقی و بحار قومیه قرابتی اولان اقوام شرقیه نك
 ترقیات مدنییه سنه یالیشقی و اوروپای غربک ترقیات علمییه و اقتصادییه سندن آنلری
 آگاه ایتک جمعیتک وظائف اساسیه سیدر .

جمعیت آره صره اجتماع ایده رک قونفرانسلر و بر مکده در . کچن هفته کی اجتماعده
 دارالفنون معلملرندن دو قنور اسکندر مارقی (A. Marki) « آسیا تاریخنده تورانیلر »
 نامیله بر قونفرانس ویردی که تورانیلر حقنده خیلی معلوماتی جامعدر ؛ بزه عائد قسمی
 ایسه شایان دقتدر . مذکور نطقی ترجمه ایتدیرمه رک لفا تقدیم ایتدم . »

روم بک ارغلی «

(توران جمعیتی) نك تأسسنی ، اولجه اداره مزه کوندریلش نظامنامه سندن
 استخبار ایده رک « تورک یوردی » نك آلتنجی صایب سندده قارملریمزه تبشیر
 ایله مشدک . ارسال بویورولان بک قانده لی قونفرانس ترجمه سنی ده ، مجموعه مزده
 انتشارینه مساعدده ایدن توران جمعیت محترمه سیله خطیب فاضانه ، و وساطت
 ایله ین مخبر محترمزه بک چوق تشکرلر ایده رک ، بونسخه مزه درج ایله یورز :

آسیا تاریخنده تورانیلر

(پشته دارالفنونی معلملرندن دوختور اسکندر
مارق افندیك قونقه رانسیدر .)

مجار ملتك انظارى شرقه منعطف اولدینی زمان دائما محزوندر : کندی
بویوک نسلنك قارده شسز برقیله سی صانیر . فقط بر آز تحقیقه کیریشیرسه ،
کندیسنك اویله قاردهش ونسلداشلردن محروم بریکس اولمادیغنی چابوق آکلار .
عصر مزده آوروپا وامریقا علماسی طرفدن آلام ومه زوپوتامیا ایله طاقلا -
ماقان [۱] قطعهلرند . طوپراق آلتندن چیقاریلان خرابهلر ، وبونلرک احتسوا
ایتدیکی آثار عتیقه ، بزه آسیانك الكاسکی ساکنلرینی وبورالرك برقاچ یوز ییل
دکل ، برقاچ بیک ییل اولکی تاریخن کوستریر ، آسیانك بورالرده کی الک قدیم
اهالیسی هب بزم نسلداشمز تورانیلر ایدی .

(بوغاز کوی) جوارنده ظهور ایدن ایکی باشلی قارتال تصویری ایله مزین
یازیلی طاش ، بیک سنه دن اول تورانی و آری اقوامنك عناصر مدنیه سی حاوی
اوله رق یاشایان گت - جت (gètes) لرك اللریله یابلشدر . بو ، بویله اولدینی
حاله تاریخنك نه حزین جلوه سیدر که ییزانس ، روما - جرمن ، آوستریا و
موسقوف اردولری ، صوك بیک ، بیک بشیوز ییل طرفنده ، مذکور ایکی
باشلی قارتال رسمی آلتنده ، دائما تورانیلر علینه قانلی محاربه لر ایتدی !
بوکونك آوروپاسی ده اشبو قارتالك قانلی نجه سنده بیچاره تورانی ملتلی صیقوب
محو ایتمکده در !

صومیر پادشاهی (غودیا) نك هیكلی ، تورانیلرك بویوک ایشلر کوردیرن
بش بیک سنه لك فوق العاده قوتلرندن بزی خبردار ایله ر . سیاه کولکله ر
کومولش جانلی کوزلریله (غودیا) ، عرقنك کله جك حیاته مستریحانه نکران

[۱] آلام ، کلدانستانك شرق قومشوسی اولان قطعده در . مه زوپوتامیا ، یعنی
بین النهرین فرات ودجله نهرلرینك آراسنده کی اراضیه دینلور . طاقلا - ماقان ، پامیر
طاغ دوکومنك شرق طرفنده کی جولک اسمی در .

اولمقده در. میقادو موتسو هیتودخی روسیه ایله عقد صلح ایدرکن (ایسه) عبادتخا.
نه سنده ارواح اجداد کورینن الهی آینه نك اوکنده دورارق خاندانه خطاباً
محاربه بی موفقیته ا کمال ایدوب وظیفه سنی بحق ایفا ایله دیکنی عرض ایتدیکی زمان
یکمش بش بیک سنه یه او یله بر نظر عطف ایله مشدی .

طویراق آلتدن چیقمش غایت قدیم طوغله لرده منقوش یازیلرله اک صوک
کونلرک جریده لرده مطبوع یازیلر بزم عرقز اولان تورانیلرک شرف نرینی حکایه
ایدر . او او یله برشان درکه ازمنه قبل التاریخیه دن باشلا یه رق بوکونه قدر متصل
یکیلتمک اوزره دوام ایدر واصل توقف ایله من .

سزه آسیالیلر ، تورانیلر ، موغوللر دیسلر ، چکنمه یکنر ! غرب افلیمی ،
سزک صیجاق کوکسلریکنزی صوغو تماشین ؛ واستقبالکنزی غرب جهته ده
آرادیکنر تقدیرده بیله کونشکزک طوغدینی شرق یوردیکنزی اونو تمایکنر !

مجار لسانیونندن (پول هونفالوی) آسیای وسطا اقوامنک فی صورتده
تدقیق و تبینه مجار علماسنک بویوک وظیفه لر ایفا ایده جکنی ادعا ایله مکنده
ایدی . چونکه اورطه آسیادن کلن و دنیانک اک بویوک دولترینی تأسیس
ایدن ملتلر بزم نسلا شمز تورانیلر ایدی . علم السنه یه عطف نظر اولولسه
کوریلورکه ایتالیا علماسندن سزار دوقارا (Cesare de Cara) ایله فرانسه
علماسندن زول مارطا (Jules Martha) ، ایتالیانک قدیم اهالیسی اولان
اتروسقلرک آثار لسانیه سنی ، توران دیلارینک معاوتیه او قویوب شرح
ایده بیلیمش لردر . هیاسینت رونای (Hyacinth Ronay) ۱۸۵۰ سنه سنده
راولینسون (Rawlinson) له برابر بابیل و صومیر یازیلرینی حل ایدرکن مجار
لسانندن بک جوق استفاده ایتدکاری کبی [۱] ۱۸۶۱ سنه سنده فنلاندیا
علماسندن قوسکینن (Koskinen) اک قدیم بابیلونیا حکومتی تأسیس ایدن قومک
تورانی اولد یغنی قطعی بر صورتده بیان ایله مشدر .

تورکلر ، چوواشلر ، یاقوتلر ، موغوللر ، مانچولر ، تونغوزلر ، حتی
زابوانیا و قوره اهالیسی هپ توران ، تعبیر دیگرله اورال - آلتای عرقه

[۱] بولسانلرک تورکجه یه ده مطابقتی وارددر .

منسوبدر. شرقى آسياده چين ، ژاپونيا ، قوره ، فورموز ، موغولستان وتيت
قطعهلرنده ساكن تورانيلىك مجموع نفوسى بش يوز ميليون قدر اولوب، بو
مقدارده هندستانده ياشايان وموغوللردن بك چوق فرقلرى اولمايان مالايلىر
داخل حساب دكلدر. تورانيلىك وطن قديمى آوروپانك يازيسى جسامتمدهكى
توركستان قطعهسى ظن اوانيور ، معافيه جنوبى آسيانك بعض محللارنده دخى
بك اسكيدن اوطورمش اولمالرى محتملدر. غربى توركستان ، يعنى شىمدىكى
بخارا وخيوه اهالىسى چوبانلق وجفتجيك ايله تيمش ايتدكلردن مملكتلرني
ترك ايتمه مشارسده شرقى توركستانده اوطوران تورانيلىر ، اقليمه قارشى برقاج
بيك سنه دو كوشهرك ، صاواشهرق ، چوق يورولمشار ونهايت بربرلرني متعاقب
ترك وطن مجبوريتنده قالمشلردر .

تورانيلىك قديم وطنلرى آنارنى ، بحار مستشرقلردن آورمل شستين
(Aurel Stein) ، زمانمزه ، طوبراق آلتندن قازوب جيقشارمش وبامير
اتكندمكى طاقلا - ماقان چوللارنده تماماً قوم ايچنه كومولش شهرلرى وبو
شهرلرده سانسقرت، چين وتيت لسانلريله يازيلش طومارلر طولو كتيخانهلرى
بولمشدر. شرقى توركستانللىك ههرتى فوق العاده برفلاكت نتيجهسى اولمايوب ،
آنچق زراعته مخصوص صو يوللرينك ، آرقارك بوزولمىسندن نشأت
ايتديكنى مشار اليه مستشرق بيان واثبات ايله مشدر . برقاج سنه دوام ايتمش
ياغمورسزلقدن ، قوراكلقدن ايلرى كان خط ، اهالىنى طاغيتمشدر .

ميلاد عيسادن ۳۰۸۲ ياخود ۲۳۰۰ سنه اقدام سومير و آلاميلردن ، ياخود
طاريم نهري واديىسندن يوز طائفه نك شىمدىكى چين مملكتته كلهرك اوراده قوجه
برحكومت تاسيس ايتمش اولملرى ، كرچه ماسال كى كوريلديورسده ، تاريخچه
نظر اعتباره آلمانلدر. بو قره صاجليلر ، مملكتتك قديم اهالىسى ايله دميردن
معمول سالاچار قوللانهرق محساربه ايدوب سكنه اصليه تلييت جهتلرينه
سورمشلر و يانغ - جه - كى - يانغ ايله هو - آنگ - هو نهري آراسنده كان
منبت يرلره قونمشلردر. اشبو يوز طائفه ، مغلوب ايتديكى اقوام آراسنده ياواش
ياواش غائب اولوب كيتمشدر. بحث اولونان ايمپراطورلنى ميلاد عيسادن ۲۲۰۸

سنه اول بو (yu) آدلی مشهور بر حکمدار تاسیس ایتمشدر. انکلیزلره « بو یوک برات » (Magna charta)، مجارلره « آلتون ورق »، دنیلن مشروطیت قانونلری ویریلزدن اون درت عصر اقدم، اشبو ایمپراطورلقدن قوانینه رعایت ایتمین حکمدارلره قارشى بایراق قالدیرمق وسلاح قوللانمق حق ویریلشدى . بو حق، چین تاریخنده بکرمی ایکی دفعه قیاسی انتاج ایدمرك، ۲۲ خاندانی بتیرمش و صوک دفعه سون - یات - تسه ن ریاستی آلتندن حادث اولان قیام ۴۱۲۰ ییلق ایمپراطورلنى اورطادن قالدیروب یرینه جمهوریت اداره سی وضع ایتمشدر .

دنیا نك اكاكى دو اتلرندن اولوب حالاموجود و بك مترقی اولان ژاپونیا دخی تورانیلر طرفندن تاسیس ایدیلشدر. تورانیلر، مانچوریا و قوره نی استیلا ایتدكدن صوكره طاشدن و طونجبدن یاپله سلاحلرنی بحر محیط کبیر آطه لرینه قدر اوزاتمشار و چین تاریخلرینه كوره میلاد عیسادن ۱۲۴۰ سنه اول ژاپونیا اطه لرینه كچرك توطن ایتمشلردر . علم السنه اربابی ژاپون دیلنی تتبع ایدركن مجار لسانندن بك جوق استفاده ایتكده درلر. جنوب طرفندن ژاپونیا په داخل اولان مالای قانی ژاپونلری دكز جیلكه تشویق ایله مش، و بو ایکی قانك امتزاجندن متحصل ژاپون ملتی اقصای شرقك اك جور، اك صاحب قدرت بر ملتی حاله كمشدر . ژاپون وطنی، یالكز چفت سورمكه و ایچندن آلتون جیقارمه په مخصوص طویراق اولمایوب ارواح اجدادك مقدس مسكنیدر . ملی غننه لره شدت مربوطیت و اونلره دائمی و عمیق بر حرمت، ژاپونلرده وطن محبتی، ملیت حسننی متبادیاً بسله مكده اولوب، هله چین و روسیه په غلبه ایله قوره نی الحاقه موفقیتلری بو حس و محبتی بوسبوتون آله ولندیرمش و « آسیا، آسیالیلر كدر، فكر و مقصدی كوندن كونه قوتلندیرمكه بولونمشدر .

هونلر و یاخود هیونف - نولر، حكومتلرنی میلاددن اون ایکی عصر مقدم تاسیس ایتمشلردر . بر چینایك روایتنه نظراً، شمیدیكى موغولستانده اوزمان ساكن اولان هون اقوامی، چیندن قاجوب كلن بر آدم برلشدرمش و اونلره چین اصولی اوزره نظام وضع ایتمشدر. هیونف - نولر، بیک سنه قدر چین و ماچین

حدودینه تعرضدن خالی قالمدقلری جهته نهایت چینلیر هو - آنگ - هونهرندن باشلا یه رق تادکزه قدر اوزانان مشهور سورلری (سدچین) بنا ایتک مجبوریتده بولنشلردر. قبل المیلاد ۲۰۹ سنه سنده هون خاقانی مان - طون، هونلره یکی نظاملر وضع ایتمش و تکمیل تورک، تاتار، مونغول و تونغوز قبیله لرینی برلشدیره رک شرقی سیریا ایله چینک شمال غربی طرفلرینی استیلا و ضبط ایله مشدر. فقط جوق کچمه دن، چین ایمپراطوری - سوآن - تی (Suan-ti) نک اردولرینه مقاومت ایدمه مه یه رک هونلرک بر قسمی مغلوب اولمشدر؛ دیگر قسمی ایسه غربیه طوغری جکیلوب کیتمه یه مجبور اوله رق، آتیلا نک حکم و اداره سی آلتنده تورانیلرک آوروپا طوپراغنده کی برنجی حکومتلرینک اساسی قورمشدر. شیمدیکی محارستاندن تاجین حدودینه قدر یاییلان بوقوجه هون ایمپراطورلغنک غرب قسمی پک جابوق زوال بولمیه ده، شرقی سنده کی اقوام و قبائل آسیا هونلری عنوانیه بر جوق زمان پایدار اولدیلر؛ سوکرمدن شرق و غرب هونلری خزار ایمپراطورلغنده یکیدن برلشمشلردر.

هونلرک اوکندن قاچان یوه - جی (yue-tchi) لر هندستانک غرب جهتلرنده برملجاء بولوب، اوراده انیدور - اسکیت [۱] لرک، یعنی صفالرک بعد المیلاد ۵۸۹ نجی سنه یه قدر دوام ایدن حکومتلرینی تأسیس ایتمشلردر که بو حکومت دائره سنده و هندستان مدینتی تأثیری آلتنده انکشاف ایتمش مدینت آناری طاقلا - ماقان چوللرنده، قوملر ایچندن، زمانمزد مبدانه جیقاریلشدر.

بو هنگامده دها ایکی بویوک حکومت وجوده کلشدر: بونلردن برسی تبت، دیگرری تورکستان حکومتیدر. بر زمانلر تیهن - شان طاغلرینه و فرغانه اووه سنه قدر توسع ایتمش اولان تبت حکومتی، اسلام غلبه و تضییق اوزرینه هندستاندن قاچان بوددا دینک مقرر مقدسی اولمش و چین مدینتی ایله تقویه ایدیلره رک دالای لامالرک تحت سلطنتنده بوکونه قدر ادامه حیات ایلکده بولمشدر. عصرلرجه آوروپایه مستور و مخفی قالمش بو مملکتک مدینتی، دینتی،

ادىياتى ايلك اول تدقيقه موفق اوله رق جهان متمدنه بيلديرن مجسار مشهور
مستشرقى (كوروشى جوما) اولمشدر.

تۈركستانده برنجى تۈرك حكومتك تملنى قوران (ديزابول) در. سپردريا
ايله چين حدودى آراسنده ساكن (وارلوق) تۈركلىرى، شامان دينه سالك
اولوب تۈرك قىيله لرېنك اك اسكى، اك صاف واك ايلرى كلنلر ندى. ديزابول،
بونلرى برلشديرىكى كې، تۈرك قباىلى بېتىده اك متمدن واك قوتلى صايبان
اويغورلرى ده بو تۈرك اتخادينه اشتراك ايتدېرمه يه موفق اولمشدر. اويغورلر،
اوزمان زراعت و صنايع مجھول دكلدى، انلر اسكى تۈرك يازيسنه واقف ايدىلر،
آرم لرېنه بوددا ديندن باشقه خرىستيانلق ده داخل اولمشدى. ديزابول حكومته
تابع اولمايان تورانيلىر، يعنى بولغار، خزار و آوارلر آوروپايه طوغرى هجرت
ايتمشلردر. بوندن يوز سنه صوكره تۈركستانك قسم اعظمى عربلر استيلا
ايتمشلر سده، اللى سنه مرورنده اويغورلر استقلاللرېنى يىكيدن قازانمشلر
وديزابول تۈركلىرى ده اولرله التحاق ايله مشلردر.

آرال كولى اطرافدن بخارايه كلن و آزر زمان ايچنده دين اسلامى قبول
ايدن سلجوق تۈركلىرى، كوزلرېنى اسلام خلافتنه آتمشلردى. طغرل بك،
۱۰۵۲ سنه سنده (ميلادى)، سلجوق تۈركلرېنك باشنده اوله رق، خليفه
حضوريته چيقوب «ظل الله فى الارض» ك اللرېنى اوپمش و فقط بش سنه
كچمەدن كندېنى شرق و غربك اميرى تسميه ايتدېرمشدر. خلافت اسلاميه
خدمتده بولونان سلجوق تۈركلرېنك اتخادى و حكومت اسلاميه نك چين
فغفورلنى حدودندن روم ايمپراطورلنى سنورينه قدر توسعى بو تۈرك اميرى
سايه سنده در. اهل صليب محاربه لرنده سلجوقلر سلاجلرېنى خرىستيان آوروپايه
قارشى قوللانمشلردر.

مؤسسې تيموچين اولان مونغول دولتى ۱۲۰۳ سنه سنده تشكىل ايتدى؛
و آزر وقت ظرفنده دنيانك اك بويوك بر ايمپراطورلنى اولدى. چنكىز قومانداسى
آلتنده كى قورقو ندر بيلمەين جسور اوردولرك، چينلرلر باروت ايله مدافعه
اولونان قلعه لرېنى ضبط ايله دكلرى تاريخچه مضبوطدر. بو بويوك جهانكېر، صايبىز

عسکری ایله سفره جیقیدینی زمان یانسه عالماری ، مهندسلی آیردی ، ومغلوب قوم وقیلهلری اردوسنه علاوه وربط ایتمه دن هیچ بریری ترک ایدوب کیتمزدی . چین نظاملری اورتک طوتهرق ، بوتون مملکتی پایتختی قاراقوروم شهرندن اداره ایتمشدر ، فقط قره دگزدن ساری دکره قدر یایلمش ، چین وتییت مملکتلری ده زیر حکمنه آلمش بوفوق العاده واسع ایمپراطورلق چوق زمان یاشایامازدی . مانغرو خان زمانده (۱۲۴۸) ایکی به بولندی ؛ شرق مانغرونک کوچوک قارداشی قوبلای خان آینه کچدی . بوذی اقتدار حکمدار ، ژاپونیایی استیلا تجربه سنده بولمیشدر .

تیمورلنک اردولری هندوستانی و آناتولینی ضبط ایتدکن صوکره بوتون آسیا بر آمرک تحت حکمنه کیرمک احتمالی یک قریب ایدی ؛ تیمور ۱۴۰۵ سنه سنده وئت ایتمه مش اولسه ایدی ، یالکز آسیا دکل بلکه بوتون آوروپا دخی مونغوللره تابع اوله جقدی .

ارطغرل اوغلی عثمان یک ، تورک وتورکمن اردولری ایله کلهرک ، ۱۲۹۹ سنه سنده ، دولت ساجوقیه نک انقراضی اوزرینه ، عثمانلیرک برنجی خانی اولمک در . اورخان غازی ، آوروپا سواحلنه ناظر بروسه شهرینی پایتخت اتخاذا ایدوب ، کنج دولتی ایکی بویوک اثرله قوتلندیرمیشدر : بونلردن برنجیسی تشکیلات عسکریه ، دیگرى تشکیلات اداریه ایدی . اووقتک یکچیریلری ، دنیا نک اک متظم واک مکمل بر عسکری ایدی . حکمدارک برنجی وزیرى ، کندیسنک برادرى و جهانک اک بویوک سیاستلرندن علام الدین ایدی . آوروپا بو ایکی قوتک اثرلری یک چابوق حس ایتمیشدر : محمد تانی قسطنطنیه نی فتح ایله (۱۴۵۳) بیزانس ایمپراطورلغنه ، و سلیمان تانی بودینی ضبط ایله (۱۵۴۱) مجارستان استقلالنه خاتمه چکدیلر . بویوک سلیمان ، آفریقای شمالی سواحلنی و آسیانک جنوب غربی قشعلاتی ده حکمی آلتنه آلمش و حرب سفینه لری تا هندستان دکرلرینه قدر سوق ایله میمشدر . اوزمانده دولت عثمانیه جهانک اک قوتلی بردوانی وتورانیلرک وجوده کتیردکلری اک بویوک بر ائردی . بو دولت بر قاج عصرلر حقیله یاشا دقدن صوکره نهایت یورغون بر حاله ۱۹۰۸ سنه سی ایلولک ۲۴ نجی کونی مشروطی

دولتلر آراسنه کوروب، امید استقبالی وطن محبتی کی بر مقدس اعتقاد باغلامشدر. صوک زمانلر آوروپا، آسیایه قارشى يك جرأتکارانه حرکت ایدیور. ده قرون قدیمده اسکندر رومی ید اقتدارینی تا پنجاب وادیلرینه قدر اوزاتمشدی. قرون وسطاده اهل صلیب محاربه سنک دالغهلری، بغداد حوالیسنه قدر واصل اولمشدر. قرون اخیرده، بویوک اولکلر آلمق ایچون، جنوب طرفندن انگلیزلر و فرانسزلر، شمالدن روسلر، تورانیلرله جنک ایله دیلر. سیریا، بعده تورکستان و هندستان یبانیلر آینه کچدی. آوروپا دول معظمه سی آراسنده چینک استیلا و تقسیمى مذاکره اولنمده ایکن، کوچوک، لکن اینسانلیه جق درجهده متری و قوی بردولت، زابونیا، تکمیل آسیانک استقبالی قورتارمش و «آسیا آسیالیر کدر» فکرینی ایستر ایسته مز عقللره یرلشدیرمشدر. بکرمنجی عصر، سینه سنده آوروپالیر ایچون کیم بیلیر فاصل بکله نیلمدک حادثه لر صاقلا یور! اوفاق زابونیا، معظم روسیانی یکدی؛ لکن صالح عقد اولنورکن، حکیمانه حرکت ایده رک نفس و احتراضی ده یکدی. ۱۹۱۲ سنه سنده، بش بیک بیلق چین ایمپراطورلنی ناکهانی بر ضربه ایله جمهوریتنه منقاب اولدی. رئیس یوان شی - قایک دیدیکی کبی، چین جمهوریتی بوندن بویله تاریخده حیات ابدیه بکله یور، او آزالق موافوللرده بردولت مشروطه تأسیس ایتدیلر.

بوتون بو وقوعات میدانده ایکن حالا تورانیلرک جامد و قیصر محافظه کارلقدن بحث ایدیه یلورمی؟ آسیانک بویوک حکومتلرینی، وزارتی، علماسنی، شعراسنی، الحاصل مفصل تاریخی بیلتلر، بو آنه قدرده اویله بر محافظه کارلقدن بحث ایده مزدی. آسیانک مفصل تاریخی بیلمهیه هر کسدن اول مجاز ملنی بورجایدز [۱]. نر مجارلر، آسیانی کندیمز ایچون خصوصی بر ساحتدقیقات عد ایده بیلیز [۲]. شرقده بزم آرایاجغز یالکیز صرقزک ماضیسی و تاریخی قدیمی دکلدز، بزم اوراردز منافع اقتصادی مزده واردز. شرق طوغری باق مجار!

[۱] مجار ملنی قدر تورک ملنی ده بورجایدز. - ت. ی.

[۲] بزم تورک ایده بیلی بزم. - ت. ی.